

左恪靖侯奏稿三編

恪靖奏稿三編卷三日錄

請建故漕臣專祠摺

劃解膏火銀兩片

接開淮北庚辰新綱日期片

覆陳革員鹽款算清緣由片

請將已故通政使專祠列入婺源縣

祀典片

修理砲台片

兩淮鹽務著有微效摺

請建故漕臣專祠摺

奏爲已故漕臣遺愛在民籲懇

天恩准建專祠以彰蓋績而慰輿情恭摺具陳仰祈

聖鑒事竊恭讀光緒八年十一月二十四日

上諭林肇元奏已故大員功德在民懇建專祠一摺仰

見

朝廷篤念蓋臣有加無已凡屬有位感誦同聲茲復據
淮揚海道徐文達詳稱淮安府知府孫雲錦詳據山陽
縣紳士翰林院編修前湖南學政顧雲臣等清河縣紳

三
士大挑知縣張俊等儀徵縣紳士教諭劉衍等聯名稟
稱以黎培敬業經奉

旨 在黔建祠而清淮祀典缺如士民戴德之忱猶歎然
有所未盡造具事實清冊請於清淮地方建立專祠轉
詳請奏前來竊以黎培敬官績本末林肇元摺內已詳
言之

論旨並嘉其潛督任內克稱厥職是其泊潛政績固久
在

聖明洞鑒之中茲既據該紳士等合詞籲請謹再據實

爲我

皇太后

皇上陳之查黎培敬於光緒六年奉

旨補授漕運總督是年十月到任以爲治漕必先治河
受事之始卽親勘禮字河堵壩情形念此處地形實全
局關鍵因年久失修致洪湖大溜全趨高竇勢如建瓴
東西兩堤情形岌岌設有疏失泰興泰州諸州縣卽有
漫溢之憂而需水之鹽河轉虞淺阻黎培敬以此壩不
堵則水有害而無利親詣河干相度形勢南洪水深四

三
丈寬三十八丈南北徑四百數十丈擇要施工河工各
員均以工鉅費繁爲慮黎培敬引爲已任毅然爲之竟
於臘月合龍臣抵任後檢閱舊牘見其與前督臣劉坤
一商論一切水利情形切實詳明洞中肯綮而於屬員
稟報工程之件尤悉斟酌准駁攸宜故僚衆翕然推服
遵行恐後竊歎其用心之昔而任事之誠也光緒七年
伏汎大雨頻降上游山泉漲發上自邳宿下訖揚州長
河水勢有漲至一丈以外者洪湖亦漲水五尺有餘隄
岸舊掃潰塌脫波簪湖滲水險狀百出黎培敬督率

員堅守各屬裹下河農田乃得以次收獲易危爲安是
年六月間鹽城阜寧一帶復遭颶風之災海潮上湧葦
蕩右營平地水深數尺兵民死傷者多田廬淹沒無數
黎培敬急議捐賑掩骼埋骸造屋支棚全活者蓋數十
口尤其謳思之最著者也此外戮海盜朱振剛而草澤
之稔惡者懼設洪湖水保甲而民船之來往者安勸蠶
織則有種桑之政備凶荒則有積谷之政設利濟局而
民鮮失業之虞廣豐濟倉而民仰儲備之利其餘弭盜
安良整軍經武嘉惠士林哀恤惻獨之政靡善不舉雖

三
在任未久而設施爛然以故歌頌之聲至今未除蓋惠
政之感人者深矣伏念黎培敬報績未終齋志而沒
國家節終之典固已備極

恩榮今該紳士等接黔省成案請准建祠公道在人並
徵遺愛查前漕臣文彬經前督臣劉坤一等合祠奏請
奉

旨于清江浦地方准建專祠有案今黎培敬事同一律
尤爲衆望所歸合無仰懇

天恩俯准于清淮建立專祠由地方官春秋致祭以彰

盡績而慰輿情出自

聖主鴻施諄會同漕運總督臣慶裕江蘇巡撫臣衛榮
光恭摺具陳伏乞

皇太后

皇上聖鑒訓示謹

奏光緒九年三月二十四日

軍機大臣奉

旨着照所請該部知道欽此

割解膏火銀兩片

再臣按准順天府尹咨以國子監及金臺書院款項無可增益曾

奏請

旨餉籌銀四萬兩解京發商生息分資國子監金臺書院兩處膏火之需光緒九年二月初一日奉

旨依議欽此恭錄移知欽遵辦理臣維儲材養士本治世之規而首善敷文尤光被之漸竊維國子監暨金臺書院本英才所匯誠宜及時培養俾儒宗國翰由此而

與無負

作人雅化臣前歲忝廁樞垣時曾與祭酒王先謙抗談
及此追承

恩命出督兩江王先謙尤以爲言茲准順天府尹臣周
家楣管理國子監事務臣翁同龢恭錄

諭旨並鈔原摺咨來臣義無諉謝除飭江寧藩司梁肇
煌在於庫存鹽票報効項下如數劃提四萬兩匯解順
天府衙門取具回銷備案外謹附片陳明伏乞

聖鑒謹

奏光緒九年四月初二日

軍機大臣奉

旨知道了欽此

接開淮北庚辰新綱日期片

再據兩淮鹽運使孫翼謀具詳淮北已卯綱票鹽上年
奏明規復四十六萬引舊額應限一年奏銷於光緒八
年二月初七日開辦是綱因去歲夏間蛟水奇災沿河
口岸被淹入冬後湖水冰凍鹽船節節阻滯以致未能
迅速將綱食引鹽全數售清於光緒九年四月二十九
日截數五月初一日接售庚辰新綱循照舊章先課後
鹽詳請具奏前來臣覆核無異除飭將已卯綱所收課
釐趕緊循案造報外所有接開淮北庚辰新綱日期理

合附片陳明伏乞

聖鑒

勅部查核謹

奏光緒九年七月初一日

軍機大臣奉

旨知道了欽此

覆陳華員鹽款算清緣由片

再欽奉光緒九年正月十九日

上諭卞寶第奏遵查已革道員張自牧等款一摺據稱
已革道員張自牧挪借商人銀兩與其子張崇澍潛往
金陵捏報新商名目請領鹽票意圖詭騙聞張自牧現
在揚州請飭嚴拿究辦等語着左宗棠將張自牧張崇
澍一併嚴拿解赴湖南交卞寶第究明辦理等因欽此
遵經分別咨行拿解維時淮南新商和致祥接認賀全
福退轉應繳捐銀稟明在湖北督銷局呈繳因之山西

稟號腐盛長等及開設太和錢莊旋經倒閉饒智元均
赴督銷局遞呈請就近在鄂會算湖南撫臣派委湖南
候補知府周幹來揚提案據揚州府稟報張自牧由揚
啓程赴漢經臣札飭委辦湖北督銷局廣西候補道程
桓生秉公督算並札湘省派來之候補知府周幹赴局
鹽交嗣欵目糾轄兩造各執復經湖南撫臣添派湖南
候補道但湘良會同程桓生調集人卷簿據逐欵勾稽
當面核算因饒太和欠欵煩多以分別鹽欵與非鹽欵
爲此案關鍵鹽欵應就督銷局算結若非鹽欵應歸湖

南地方官迫給經程桓生等反復開導當據饒智元呈
出產業任憑公斷並交出鹽票九張情願變價湊還票
據三十九萬之款當有廢餘發交饒智元領回歸地方
衙門另清各帳據程桓生但湘良等會稟票號已如數
相償張自牧與饒智元欸項已清出具清供甘結存案
應令隨同知府周麟回湘等情前來除批令聽候湖南
撫臣奏結外所有已革道員張自牧與饒智元鹽款業
已算清緣由理合附片陳明伏乞

聖鑒謹

奏光緒九年八月初二日

軍機大臣奉

旨知道了欽此

請將已故通政使專祠列入婺源縣祀典片

再前辦陝甘軍務通政使劉典於光緒五年經前督臣沈葆楨奏奉

上諭准於安徽等省建立專祠在案因輾轉擇地迄未
動工光緒八年六月間據婺源縣紳士潘國珍等公稟
以劉典功績固在全皖而婺源一邑尤為戰事得手之
始其蓋固發即以固徽即為平皖平浙張本請於婺源
擇地建祠以伸崇報經臣飭司核議去後旋據督憲徽
鹽壁縣知縣金士勳稟捐房屋一所改建祠宇另由就

地宮紳等捐修費已於本年六月間工竣據婺源縣知縣吳鵬稟請奏列

祀典前來臣查劉典前在婺源具燼喪張材等墳攻堅搗瑕迭挫逆氛奪據險之謀爲進軍之地厥後皖浙戡事乃有把握功烈爛然該紳士等籲請就地建祠遺愛在人足徵公道而艱難入戰手之地尤足以受其靈該道政使與臣患難相從積勞而殞瞻懷舊蹟益用擢心合無仰懇

天恩特准將劉典專祠列入婺源縣

祀典由地方官春秋致祭以紀前績而順輿情謹會同
安徽撫臣裕祿附片具陳伏乞

聖鑒訓示謹

奏

光緒九年八月初十日

軍機大臣奉

旨着照所請該部知道欽此

修理砲台片

再江陰南岸大石灣一帶砲臺逼近山坳潮濕太重其剝裂朽蝕之處尚須設法改修經前督臣劉坤一於巡閱江防摺內奏明在案查該處依山臨江濕氣本重於暗台非宜現據籌防局司道會營勘議經臣飭將暗台紅門全改明台並將剝落之處分別修理本年七月二十二日風雨猛驟爲近數十年所未有致江陰南北岸圖山關南北岸象山焦山都天廟各處明暗砲台各台護廊樑柱圍牆等類均有損壞業分飭趕緊修理並

於圖山關南北岸各添建火藥庫一所以備收藏而期
妥慎案關江防修理砲台工程除飭令認真修動工務
臻堅固外理合附片陳明伏乞

聖鑒

飭部查照謹

奏
光緒九年八月二十九日

軍機大臣奉

旨該部知道欽此

兩淮鹽務者有微效摺

奏爲兩淮鹽務經理年餘者有微效恭摺仰祈

聖鑒事竊江南財賦甲於天下而兩淮課釐爲財賦所
入之一大宗運鹽足額則收課自增課增則餉裕固
定不易之理臣蒞任後因新商盼望增引甚切部文迭
催加引恭嚴先後

奏請楚皖暨淮北加增額引本爲裕

國計順商情起見初不料行楚祖川之見未融交章棟
議上瀆

三系年三
三
成聽欽奉

聖訓指示機宜飭令加費減引已懍遵

諭旨將楚票十五萬引減爲三萬引皖票四萬二千餘
引減爲一萬七千七百六十引楚則另招新商承辦皖
則就原招之商歸併給運於舊引既無有碍於新引亦
便轉輸而商情悅服遐邇交孚本年儀棧場鹽到數既
旺鄂湘西皖銷數較常年有增而南場應築之范堤寧
屬應辦之水利皆屬工鉅款煩以及邊防緊餉海防軍
久河東工需無不於課釐及新捐票費內騰挪接濟計

自臣前年十二月接篆至今二十一個月有餘約解過銀實有五百數十萬兩者較前歷任自同治三年至光緒初年均不過二百數十萬收至三百萬以上者不過僅一二年茲光緒八年收數已二百八十九萬餘所收票費一百三十餘萬而尚不在內此南甯已覩微效之實在情形也容俟九年底截清再將出入細數繕呈清御覽至淮北受病之源其故有二一在監河自西壩至安東縣之傅家壩六十里河身高仰勢若建瓴一遇水淺則商人起駁之苦拋耗之多費重遲遲累日加重一

在垣監出場票販最重鹽色欲求上色而不可多得遂向他商暗中貼價名曰貼色甚至商販勾串賣放重斤臣查得情形飭先籌款將鹽河於今春挑淤深通本年霜清以後鹽艘行運毫無阻滯全綱四十六萬引賴以申日運竣貼色則暗增商本重斤則私佔

國課復嚴申禁令並由運司轉飭分司親赴鹽場履驗過犯必懲而後數十年之積弊始克掃除現復因皖豫水患燕齊浸灌淮北之私鹽來源頗減遂謀歸復河南汝寧邊引以廣銷路裁出食岸漸售之鹽以杜侵佔運

河以南復飭淮揚鎮就近添募巡勇扼要駐緝凡有益於淮鹽銷路者悉心推求嚴緝私梟不遺餘力而後淮北銷路漸復道光十一二年之舊業從此逐漸推行必期有暢無滯此鹽務起色確有成效可觀者也鹽務素稱利藪商販心志不齊不如其願卽造謠阻撓變幻離奇無所不至近則南北各商均無異說並將視爲世業請運源源仰承

聖謨廣運民商樂利均沾洵堪仰紆

慈厯固微臣始願所不及也所有兩淮鹽務著有微效

緣由理合恭摺具陳仗乞

皇太后

皇上聖鑒訓示謹

奏光緒九年九月初九日

軍機大臣奉

旨知道了欽此

恪靖奏稿三編卷四目錄

范堤工竣核實開單摺

奏請 旌表片

奏創建書院片

淮北課釐擬請全充復淮工用緣由片

試辦分銷淮鹽並課釐津貼片

據實覆陳淮南碍難籌捐票本摺

恭報赴清江勘辦引淮入海起程日期摺

查明土客墾種情形摺

查明上游民堰各工分別興修以工代賑捐

范堤工竣核實開單摺

奏爲范堤工竣核實開單奏報仰祈

聖鑒事竊淮南各屬修築范堤於本年三月間臣親往查勘當將籌辦情形具

奏聲明工竣開單

奏報在案旋據各工員先後呈報工完經臣派委道員陳鳴志前往察驗自五月十八日起至二十三日止周歷撫茶豐利角斜掘港等場共工長一萬一千七百八十一丈又順驗小洋口石涵撫茶場稽堤高寬丈尺一

律如式共用土方工料銀十萬五千五百九十五兩有奇內有道員胡光墉捐錢五萬串合銀三萬一千一百六十八兩一錢一分餘動用淮南新商票費均屬實用實銷毫無虛糜謹開清單恭呈

御覽伏思淮南通泰兩屬各鹽場界在海濱地居窪下風潮之患歲或有之光緒七年泰屬新伍等場海水上濫猝遇奇災事後賑撫所傷已多今就范堤舊基擇要修復又於各場外廣建避潮礮座或增護堤或補殘缺或修涵洞或建壩座竭數月辛勞之力收百年力賴之

功本年伏汛運河水勢洶湧爲歷屆所無兼之七月下旬又遇颶風驟雨沿江圩岸多有被沖之處而各場民爐灶獨化險得安已得新堤保護之益小洋口石涵爲通泰各州縣農田洩水要區今涵加砌高寬工程格外堅實裏下河本屆底水極大卽將新修三孔齊放內水滔滔外洩是以運河水勢幾至漫堤而裏河低窪田畝竟未有一處被淹已得新涵宣洩之益成效昭著萬灶歡呼督辦隄工署淮揚海道徐文達始終其事苦心經營在事文武員弁隨同該道於朔風炎日之中循行測

度奔走不遑得將一萬數千丈險要隄工一律修築完
整實屬異常出力可否容臣擇尤

奏獎以示鼓勵之處出自

恩施除收支數目造冊咨部外所有范隄工竣核實開
單緣由理合恭摺具

奏伏乞

皇太后

皇上聖鑒

刺部查核謹

奏光緒九年十月十六日

軍機大臣奉

旨該部知道單併發在事出力員弁准其擇尤保獎毋
許冒濫欽此

奏請

旌表片

再安徽桐城縣貞女王孫氏係兩淮候補鹽知事孫杜之胞姊許字礪山縣已故湖北候補縣丞王廷寶之子王秉洵爲壻結縭有期秉洵卒該貞女誓不再適於道光二十一年過門守貞未幾夫家人亡殆盡乃歸奉其母時值寇氛告警扶母携弟輾轉兵燹間以待孫杜之成立母歿一痛幾絕遂依其弟以居現年六十五歲計守貞四十六年據同鄉官江蘇候補同知萬兆熊等查取事實冊結稟由兩淮鹽運使孫翼謀轉詳請

三系者四
奏前來臣查該貞女冰霜勵操白首完貞已爲恆情所
難而事母教弟功在兩家尤堪嘉尚合無仰懇

天恩俯准將貞女王孫氏

勅部照例

旌表以彰至行而勵人心除將事實冊結咨移部科查
核外謹附片陳請伏乞

聖鑒訓示謹

奏光緒九年十一月初三日

軍機大臣奉

旨着准其旌表禮部知道欽此

奏創建書院片

再臣前接江蘇學政臣黃體芳緘稱江陰創建經古書院名曰南菁仿詒經精舍之例專課通省經古惟經費不敷落成有待請撥款接濟並請籌常年膏火之資等因臣以學臣倡建書院係爲嘉惠士林起見用意深遠通省士子如願入院讀書就正經史之學概予收錄將來績學之士發名成業者必多黃體芳風負文名敬學攻苦一時人望攸歸尤宜量爲扶助以慰士情臣比捐廉一千兩佐書院工料之費並札兩淮運司准北票費

三
項下提銀二萬兩解由學臣飭交江陰縣發商生息以
爲每年膏火之資官爲經理年終結算申報學臣衙門
仍移咨臣署備案以專責成兩備稽考一面咨會凡有
書局省分將局刻官備一部解發書院存儲俾學者得
資繙閱除由該學臣會商安定章程以垂久遠外理合
將江陰創建書院動撥鹽票項下銀兩緣由謹會同江
蘇學政臣黃體芳附片陳明伏乞

聖鑒

勅部查照謹

奏光緒九年十二月初二日

軍機大臣奉

旨該部知道欽此

淮北課釐擬請全充復淮工用緣由片

再洪湖每遇盛漲水勢直趨南運河淮揚數州縣城邑田廬刻有其魚之懼擬擇舊黃河淤墊之處開掘中泓引淮水入雲梯關循獨行入海之舊經臣秦明欽奏諭旨於民生大有關係等因臣比飭署淮揚海道徐文達徐州道程國熙會勘稟復前來臣定於明正初旬即帶得力營哨各員弁及熟諳水利人員親臨履勘大加興挑臣所部在甘肅新疆直隸治水頗著成效竊操刀不割是謂失時故擬交卸後仍留三數月力肩此舉庶

三升
幾保此億萬生靈仰副

朝廷仁育黔首之至意惟工段綿長需費甚鉅前督臣於導淮案內奏撥五河正陽兩卡二成鹽釐隨撥隨支並無存欸而前項大工斷非二成鹽釐所能敷用查淮北課釐向分十成攤解以五成解金陵四成安徽一成解清江當時各處均有軍務是以按成分撥藉充軍餉目前清江安徽軍務竣近來賑務籌撥米銀不遺餘力向本無分畛域值此復淮大工關係數省安危需用欸項孔殷不得不妥籌有著之項擬將所收課釐自光

緒十年正月起暫免分攤全數提充復准工用如安徽
清江另有要工需用款項臣仍當隨時酌量分撥以免
顧此失彼除咨商安徽撫臣漕臣外所有准北課釐擬
暫免攤全數提充復准工用緣由理合附片陳明伏乞

聖鑒

勅部查照謹

奏光緒九年十二月二十一日

軍機大臣奉

旨該部知道欽此

試辦分銷淮鹽並課釐津貼片

再湖北之安陸襄陽鄖陽荊州宜昌五府及荆門暨湖南之澧州同治十一年川淮分界摺內議明仍由淮南就中設店撥售迭經鄂省及戶部

奏咨催辦而淮鹽迄未運往者一以川鹽偏地皆是淮鹽發無可立足以鄂餉尙未經議明淮南商總不免觀望現在鄂湘兩岸

奏加新票三萬引換輸甚滯亟須開拓銷路而川鹽一時尙難驟禁飭揀鄂湘督銷局具稟責成額內各商揀

選色白味佳之鹽與川鹽試辦分銷於沙市樊城爲總
匯先從岳州螺山立子店逐漸進步准擬定章每引收
課釐銀六兩四錢八分以後五府二州照章核收全貼
鄂餉除扣川鹽加稅項下應行解淮每斤一文半比轉
鄂省所收川稅不相上下鄂餉無虞短絀經臣咨商湖
廣督臣示寶第接其覆文先先試辦此事早經部准已
飭湖南北督銷局趕緊督商運鹽試銷仍咨明川省俟
川省覆到再行會

奏合先將五府二州試辦分銷淮南課釐全貼鄂餉緣

由附片陳明伏乞

聖鑒勅部查照謹

奏

光緒九年十二月二十一日

軍機大臣奏

旨戶部知道欽此

據實覆陳淮商碍難籌捐票本摺

奏爲淮南四岸舊商碍難籌捐票本恭摺據實覆陳仰
祈

聖鑒事竊臣欽奉

寄諭順天府尹周家楣奏順天等省賑需亟瀕廣籌
欸項請飭令四岸舊商各商一律按票每引捐銀十兩
以其半歸順天直隸以其半歸江蘇山東爲賑撫之需
等語即着酌度情形妥籌具奏等因欽此遵經札飭運
司督商妥籌一面具片陳明候覆到核

奏在案茲據兩淮鹽運使孫翼謀稟稱分咨四岸督銷局飭傳鄂湘西皖四岸運商妥爲勸諭以每引捐銀十兩計之共應捐銀五百餘萬商力實有未逮懇請覆奏前來臣懋采旁諮其中窒碍約有四端請爲我

皇太后

皇上縷晰陳之兩淮引票試辦時原不各一錢自循定而始有票價從前轉相授受所置亦屬無多自清水潭捐後而票價始增直隸災賑捐後而票價又增有票者居爲奇貨來淮者謂部章已定世業可圖或變易田產

以集資或棄置酒茶而入局此攘彼奪票價遂增萬餘金在辦運之商多於此時入手岸局之更名易保其姓名月日皆有冊卷可稽今欲報捐票本盈囊者已飄然長往方來者適重被其辜並有始合夥繼則歸併名雖未更而票已易主碍難再輸票本一也說者謂該商等引票雖由價買而資未歸公似亦近理不知創行票法係出示招徠彼時未索各商以萬金之價當事者亦未逆料今日之可抵萬金也上無禁令交相爲市者遂自爲減溯厥由來無一非購自重價謂

朝廷未收萬餘金之捐該商等有異議謂淮商未出萬餘金之價該商等實具苦衷碍難再輸票本二也舊票歷年捐賑報效在鄂湘等案綜計原祇三千餘金非以兩岸實有出過四千餘金及五仟餘金者不等在前即有參差亦無非因時因地各制其宜譬之開荒之田例止升科而墾熟以後或一年而易其主或數年而易其主亦屬民間常事如此官田得值遂捐價買熟田之戶爲無價之田復令再輸官價尤昂於新票而去歲所增仍皆歸併舊商承運是增引雖有先後之別而承運實

無新舊之分碍難再輸票本三也商賈之道以成本輕重爲盈虛刻下該商等之票本已極重稍失營謀即有虛虧拆倘更加捐票本則前之銖積寸累者一轉瞬皆化爲烟雲爲謀衣食轉累身家無論鉅欸莫可籌維卽欲賣票償捐恐他人亦聞風裹足是多取其利本在而利尚可生重去其本本去而利益見絀碍難再輸票本四也以上各節委係實在情形竊念兩淮二十年來課釐兩項報部者將及八千萬兩他如各項商捐並前年戶部籌餉捐輸入

奏者又三百餘萬兩近因各處錢店倒閉銀路艱緊該商等方請借給公項以資周轉若令再捐鉅款商力實有不支不得不據實瀝陳仰求

聖慈垂察所有淮南舊商碼難籌捐票本緣由理合恭摺覆

奏伏乞

皇太后

皇上聖鑒訓示謹

奏光緒九年十二月二十一日

軍機大臣奉

旨戶部知道欽此

恭報赴清江勘辦引淮入海起程日期摺

奏爲恭報微臣前赴清江勘辦引淮入海起程日期仰
祈

聖鑒事竊泊淮要工擬挑舊黃河引淮水入海規復雲
梯關故道迭經

奏明由臣親帶得力營哨各員弁及熟諳水利人員親
臨履勘在案此事工繁費鉅地勢北高於南與挑既多
棘手地段亦甚綿長官紳人等議論紛紜呈遞條陳者
不一而足有謂宜挑通舊減壩徑入鹽河入海者有謂

宜別開生面導淮注江者徐州道程國熙署淮楊海道
徐文達籌議三層辦法與紳所稟間有不同非親自確
勘不能折衷一是事體關重臣雖

奏請

恩先開缺交卸在即豈敢稍涉推諉定於正月初五日
起程前赴清江會同漕臣周歷履勘督同程國熙等妥
籌定議再將詳細情形奏明辦理至本衙門日行事件
遵交江甯藩司梁肇焯代行其緊要事件仍由臣
行次核辦所有微臣前赴清江勘辦引淮入海起程日

期理合恭摺具

奏伏乞

皇太后

皇上聖鑒訓示謹

奏光緒十年正月初四日

軍機大臣奉

旨知道了欽此

查明土客墾種情形摺

奏爲查明甯蘇兩屬拋荒田畝土著客民墾種相安情形恭摺具陳仰祈

聖鑒事竊承准軍機大臣 字寄光緒九年六月初八

日奉

上諭翰林院侍讀譚彥彬奏江浙墾荒客民與土民仇怨日深請飭力求清釐之法一摺等因欽此當經恭錄轉行欽遵查辦去後茲據各屬先後稟覆又經批司業辦在案茲據江甯布政使梁肇煌蘇州布政使譚鈞培

會查得江寧府屬上元江甯溧水六合等縣自遭粵逆
竄陷被兵十餘載蹂躪始徧村落成墟肅清後一片荒
土農民存者無幾不得不拍募客佃開墾曾於同治八
年籌議拍墾章程詳奉

奏明遵辦歷久均屬相安內溧水縣上年冬間雖有楚
民強墾荒田與土民爭控業經訊明押令回籍其徐州
府屬銅山沛縣二縣湖淤園地從前東省災民携眷來
徐領種水涸湖田按年完租充餉現已漸成土著並無
強作情事此外淮揚等屬現在查無外省客民在境墾

荒至蘇松等屬除全熟之華亭奉賢上海寶山崇明南
匯川沙靖江等八廳縣田地並無拋荒長洲元和吳縣
常熟昭文吳江震澤太湖婁縣清浦太倉嘉定金匱江
陰丹徒等十五州廳縣間有荒蕪田地均由土著農民
陸續開墾無須借力客佃外祇崑山新陽金山陽湖無
錫宜興荆溪丹陽金壇溧陽鎮洋十一縣開墾客民大
都江浙及江北人居多承種有年久已編入戶口細冊
專心農務亦無強作爭執之事惟常州府屬之武進縣
先因楚民初到開墾其時本地人少耕作及至楚民漸

多聲勢漸橫每屆收租類多抗欠甚有收穫後飽載遠
颺遂使業戶賠累錢漕以致土客相爭現經該處紳士
另行妥議禁約章程稟請叅酌核辦以期益臻周妥等
情轉詳請

奏前來臣等覆核無異除仍飭現有客民墾荒各屬隨
時認真稽查設遇土客爭訟務須持平定斷毋任忿爭
滋事外謹合詞恭摺具陳伏乞

皇太后

皇上聖鑒謹

奏光緒十年正月初四日

軍機大臣奉

旨知道了欽此

查明上流民堰各工分別興修以工代賑摺

奏爲查明上流民堰各工分別興修以工代賑恭摺具
陳仰祈

聖鑒事竊上年八月內東省山水驟發邳宿堤工民堰
均被傷損所有徐屬官堤由臣昌濬勘明興辦其各處
民堰由臣宗棠籌款飭修均經

奏明在案查山水下注先入邳境武沂兩河交流該處
王家口草橋圩缺口二道尤爲緊要已於上年十月內
經徐州道程國熙先行墊款堵塞俾涸出民田補種二

麥一面督飭印委各員將各處民堰分別勘估計自山東交界之黃林莊起至鄆汎貓兒窩止運河兩岸民堰缺口水溝及殘缺卑薄之處共四十段城鄉民堰及武河沂河缺口共十七段皆係保護城郭田廬要工其中有並有應行補還舊石帮岸及迎溜兩帶之處又有艾山河一道在運河東岸承受東省來源積淤甚寬必須大加展挑現將該河之朱龍口祁家口二處築做草土壩截住來源以便勘其城內文曲溝城外玉帶河亦須逐一清釐以通脈絡此兩境民堰工程情形也宿遷六

塘河民堰周長八十餘里積年淤墊河身已高長堤塌
塌幾盡往時水勢稍緩民築子堰猶可支持上年大水
驟至防不及防遂至漫溢愈廣若議規復舊制一勞永
逸則挑河築堤非十數萬金不辦當經費支絀無從籌
措茲按上年水誌擇其最者共二十五段先爲堵築以
衛田疇此宿遷六塘河工程情形也以上各上官督民
辦於正月初十日分別興修俾附近災民得以自食其
力悉按河工成法層坯層礮以期堅實耐久徐州道程
國熙因隨勘導准事宜來浦臣宗棠飭令事竣速歸詔

真督率臣昌溶駐札清江相離不遠並當隨時稽察務
使工歸實際款不虛糜窮民獲備趁之資田地受堤防
之益事竣之後查照歷年另案辦工章程由徐州道核
實造冊詳送兩江總督衙門覆核報銷所有查明上游
民堰各工分別興修以工代賑務由該會同江蘇巡撫
臣衛榮光合詞恭摺具陳伏乞

皇太后

皇上聖鑒訓示謹

奏光緒十年二月十二日

軍機大臣奉

旨知道了欽此